

重修威縣志

第肆冊

威縣志卷六

政事志

昔德相畢士馬克嘗謂政治宜名術不宜名學豈非以政治家當因地因時因人因事而制其宜并無一定原理可言哉今舉祀典財政警察農商工兵郵電以及司法市政自治諸大端彙而紀之分爲上中下三篇命曰政事并略加按語明其異同得失用備一邑史乘非必勒爲縣譜以繩後賢也世稱陶公用法能得法外意而史文靖亦歎天下辦事人多解事人少神而明之存乎人是在覽斯篇者之留意焉

政事志上

祀典

祀典

按阜平縣志謂窮鄉士子書籍無多有問以先賢大儒渺不知爲何地之人何代之士者因考其大略敬謹臚陳藉擴聞見且冀於披覽之餘或動其景行之慕云云說可從而例亦善又觀省府州縣各志先賢大儒多列學校門中阜平縣志不

列學校門而列祭祀門似較鄭重且與某氏下注某朝某年從祀之例亦合茲大旨本阜平縣志而復參仿各志以補所未備

大成殿正位南向

至聖先師孔子

按漢高祖十二年過魯以太牢祀孔子為帝王尊祀孔子之始後世封號儀制遞加隆重而春秋二仲釋奠朔日行禮自北齊天保始州縣學以春秋二仲釋奠自隋開皇始州縣立廟自唐太宗始定祭期春秋二仲上丁自唐玄宗始又漢平帝追諡孔子為褒成宣尼公北魏孝文改文聖隋開皇中贈先師唐太宗定先聖

阜平縣志南宮縣志謂隋大業中以孔子為先聖 玄宗加文宣王宋真宗加至聖元大德中加大成至聖

以上阜平縣志南宮縣志謂武宗至大元年詔加號先聖曰大成至聖文宣王 而加大成至聖文宣王為至聖先師則自

明嘉靖始也孔子沒子貢用檀木雕像漢蜀郡太守文翁又塑孔子像於石室靈

帝置鴻都門學復畫孔子及七十二弟子像歷代皆像祀 以上阜平縣志南宮縣志謂宋初修先聖及亞

聖十哲塑像七十二賢及先儒二十一人皆畫像於東西廊之板壁 唐以後用王

太宗親撰先聖及亞聖贊從祀賢哲先儒並命當時文臣為之贊

者袞冕而去塑像用木主則自明洪武始也

以上阜平縣志南宮縣志謂嘉靖九年從張璵議撤塑像立木主

又按宋天禧元年以文宣王四十六代孫聖佑襲封文宣公至和二年詔封孔子後爲衍聖公

四配東位西向

參畿輔通志阜平縣志南宮縣志及文廟從祀先賢考略祀孔典禮十二哲同

復聖顏子回

字子淵魯人漢永平十五年祀七十二弟子顏子位第一

畿輔通志魏

正始七年配

文廟從祀先賢考略魏晉祀孔子均以顏子配

唐貞觀稱先師開元稱亞

聖唐宋自太子少師太師兗公累封至兗國公宋因之元至順元

年稱兗國復聖公明景泰三年置博士嘉靖九年改稱復聖

阜平縣志

清及民國因之

述聖孔子伋

字子思宋大觀二年從祀端平二年升十哲咸淳三年配又宋崇

甯中贈沂水侯咸淳中加贈沂國公元稱沂國述聖公明宏治十

六年置博士嘉靖九年改稱述聖清及民國因之

四配西位東向

宗聖曾子參

字子輿魯南武城人唐總章元年配開元八年列像十哲之末宋咸淳三年重配唐宋自太子少保太師郟伯瑕邱侯郟侯武城侯累封至郟國公元稱郟國宗聖公明嘉靖九年置博士改稱宗聖清及民國因之

亞聖孟子軻

字子輿鄒人宋元豐七年配封鄒國公元稱鄒國亞聖公明景泰三年置博士嘉靖九年改稱亞聖清及民國因之

十二哲東位西向

先賢閔子損

字子騫魯人唐開元八年從祀又贈費侯宋瑯琊公改費公清康熙三十九年置博士

先賢冉子雍

字仲弓魯人唐開元八年從祀又贈薛侯宋下邳公改薛公清雍正二年置博士

先賢端木子賜

字子貢衛人唐開元八年從祀又贈黎侯宋黎陽公改黎公清康熙三十九年置博士

先賢仲子由

字子路魯卞人唐開元八年從祀又贈衛侯宋河南公按文廟從祀先賢考

略作宋贈河內侯進衛公改衛公明崇禎十六年置博士

先賢卜子商

字子夏衛人唐貞觀三十一年從祀開元八年升哲位又贈衛侯

按文廟從祀先賢考略作魏侯宋河東公按文廟從祀先賢考略作東阿公改魏公清康熙五十

九年置博士

先賢有子若

字子有魯人唐開元八年從祀又贈卞伯宋平陰侯清雍正二年

置博士

十二哲西位東向

先賢冉子耕

字伯牛魯人唐開元八年從祀又贈鄆侯宋東平公改稱鄆公清

雍正二年置博士

先賢宰子予

字子我魯人唐開元八年從祀又贈齊侯宋臨淄公改齊公

先賢冉子求

字子有魯人唐開元八年從祀又贈徐侯宋彭城公改徐公

先賢言子偃

字子游吳人唐開元八年從祀又唐贈吳侯宋丹陽公改吳公清

康熙五十一年置博士

先賢顓孫子師

字子張陳人唐開元八年從祀宋咸淳三年升哲位又唐贈陳伯

宋宛邱侯改陳公清康熙五十一年置博士

先賢朱子熹

字元晦婺源人謚文宋封信國公改徽國元改齊國明景泰六年

置建陽博士嘉靖二年置婺源博士宋淳祐元年從祀兩廡崇禎

十五年稱先賢列漢唐諸儒上清康熙五十一年升十二哲

按南宮縣志謂文廟配位唐以前惟顏子一人至開元八年始以顏子閔子騫冉

伯牛仲弓宰我子貢冉有季路子游子夏爲十哲曾子居十哲之次配享宋度宗

咸淳三年以顏曾思孟爲四配進顓孫子爲十哲元文宗至順元年加顏子復聖

曾子宗聖子思述聖孟子亞聖明嘉靖九年四配稱復聖顏子宗聖曾子述聖子

思亞聖孟子十哲以下凡及門弟子皆稱先賢某子左邱明以下皆稱先儒某子

並罷唐開元宋大中祥符以來公侯伯之稱清康熙五十一年升朱子入廟配享

乾隆三年升有子入東位卜子之次移朱子於西位顓孫子之次

東廡先賢

●續輔通志阜平縣志南宮縣志及史記家語
文廟從祀先賢考略祀孔典禮西廡先賢同

先賢公孫僑

字子產鄭人咸豐七年從祀

先賢林放

字子邱魯人石室圖列入弟子內唐開元二十七年從祀明嘉靖

九年改祀於鄉清雍正二年復祀又唐贈清河伯宋贈長山侯

先賢原憲

字子思宋人唐開元二十七年從祀又唐贈原伯宋贈任城侯

先賢南宮适

字子容魯人家語作南宮縉唐開元二十七年從祀又唐贈郟伯

宋贈襲邱侯改汝陽侯

先賢商瞿

字子木魯人唐開元二十七年從祀又唐贈蒙伯宋贈須昌侯

先賢漆雕開

字子開蔡人家語作字子若唐開元二十七年從祀又唐贈滕伯

宋贈平輿侯

先賢司馬耕

字子牛宋人唐開元二十七年從祀又唐贈向伯宋贈楚邱侯改

睢陽侯

先賢梁鱸

字叔魚齊人唐開元二十七年從祀又唐贈趙伯宋贈千乘侯

先賢冉孺

字子魯魯人家語孺作儒唐開元二十七年從祀又唐贈紀伯宋贈臨沂侯

先賢伯虔

字子析魯人家語作字子楷唐開元二十七年從祀又唐贈聊伯宋贈沈陽侯

先賢冉季

字子產魯人唐開元二十七年從祀又唐贈東平伯宋贈諸城侯

先賢漆雕徒父

字子有魯人家語作漆雕從字子文蔡人唐開元二十七年從祀又唐贈須句伯宋贈高苑侯

先賢漆雕哆

字子斂魯人家語作漆雕侈唐開元二十七年從祀又唐贈武城伯宋贈濮陽侯

先賢公西赤

字子華魯人唐開元二十七年從祀又唐贈郟伯宋贈鉅野侯

先賢任不齊

字子選楚人唐開元二十七年從祀又唐贈任城伯宋贈東陽侯

先賢公良孺

字子正陳人唐開元二十七年從祀又唐贈東牟伯宋贈牟平侯

先賢公肩定

字子中魯人家語作公肩字子仲史記作公堅定唐開元二十七

年從祀又唐贈新田伯宋贈梁父侯

先賢鄒單

字子家魯人唐開元二十七年從祀又唐贈銅鞮伯宋贈聊城侯

先賢罕黑父

字子索魯人家語作字子黑唐開元二十七年從祀又唐贈乘邱

伯宋贈祁鄉侯

先賢榮旂

字子旗魯人唐開元二十七年從祀又唐贈雲婁伯宋贈厭次侯

先賢左人郢

字子行魯人家語作左郢唐開元二十七年從祀又唐贈臨淄伯

宋贈南華侯

先賢鄭國

字子徒魯人家語作薛邦字子從唐開元二十七年從祀又唐贈

滎陽伯宋贈胸山侯

先賢原亢

字子籍魯人家語作原桃唐開元二十七年從祀又唐贈萊蕪伯

宋贈樂平侯

先賢廉潔

字子庸衛人家語作字子曹唐開元二十七年從祀又唐贈莒父

伯宋贈胙城侯

先賢叔仲會

字子期晉人唐開元二十七年從祀又唐贈瑕邱伯宋贈博平侯

先賢公西與如

字子上魯人家語作公西與唐開元二十七年從祀又唐贈重邱

伯宋贈臨胸侯

先賢邾巽

字子斂魯人家語作邾選唐開元二十七年從祀又唐贈平陸伯

宋贈高堂侯

先賢陳亢

字子禽陳人唐開元二十七年從祀又唐贈潁伯宋贈南頓侯

先賢琴張

字子開一名牢字子張衛人唐開元二十七年從祀又唐贈南陵

伯宋贈須邱侯改陽平侯

先賢步叔乘

字子車齊人廣韻孔子弟子有少叔乘唐開元二十七年從祀又

唐贈淳于伯宋贈博昌侯

先賢秦非

字子之魯人唐開元二十七年從祀又唐贈汧陽伯宋贈華侯

先賢顏喴

字子聲魯人唐開元二十七年從祀又唐贈朱虛侯宋贈濟陰侯

先賢顏何

字子冉魯人家語作字稱唐開元二十七年從祀嘉靖九年罷清

雍正二年復祀又唐贈開陽伯宋贈堂邑侯

先賢縣亶父

字子象魯人清雍正二年從祀

先賢牧皮

清雍正二年從祀

先賢樂正克

孟子門人清雍正二年從祀又宋贈郟國侯

先賢萬章

孟子門人宋政和中從祀孟廟清雍正二年從祀孔廟又宋贈博

興侯

先賢周敦頤

字茂叔宋道州營道人諡元世稱濂溪先生封汝南伯淳祐元年

從祀元加道國公明崇禎十五年稱先賢景泰六年置博士

先賢程顥

字伯淳宋河南人諡純世稱明道先生封河南伯咸淳三年從祀

元加豫國公明改先賢崇禎三年置博士

先賢邵雍

字堯夫宋河南人諡康節封新安伯咸淳三年從祀明改先賢崇

禎三年置博士

西廡先賢

先賢蘧瑗

字伯玉衛人石室圖列入弟子內唐開元二十七年從祀明嘉靖九年改祀於鄉清雍正二年復祀

先賢澹臺滅明

字子羽武城人唐開元二十七年從祀又唐贈江伯宋贈金鄉侯

先賢宓不齊

字子賤魯人唐開元二十七年從祀又唐贈單伯宋贈單父侯

先賢公冶長

字子長史記作齊人家語作魯人唐開元二十七年從祀又唐贈莒伯宋贈高密侯

先賢公皙哀

字季次齊人唐開元二十七年從祀又唐贈郟伯宋贈北海侯

先賢高柴

字子羔齊人唐開元二十七年從祀又唐贈共伯宋贈共城侯

先賢樊須

字子遲魯人康成謂齊人唐開元二十七年從祀又唐贈凡伯宋贈益都侯

先賢商澤

字子季魯人唐開元二十七年從祀又唐贈睢陽伯宋贈鄒平侯

先賢巫馬施

字子旗家語作巫馬期字子期魯人唐開元二十七年從祀又唐贈鄆伯宋贈東阿侯

先賢顏辛

字子柳魯人唐開元二十七年從祀又唐贈蕃伯宋贈陽穀侯

先賢曹邨

字子循蔡人唐開元二十七年從祀又唐贈曹伯宋贈上蔡侯

先賢公孫龍

家語作公孫寵字子石康成謂楚人唐開元二十七年從祀又唐贈黃伯宋贈枝江侯

先賢秦商

字子丕家語作字不慈魯人康成謂楚人唐開元二十七年從祀又唐贈上洛伯宋贈馮翊侯

先賢顏高

家語作顏刻字子驕魯人唐開元二十七年從祀又唐贈琅琊伯宋贈雷澤侯

先賢壤駟赤

字子徒家語作穰字子從秦人唐開元二十七年從祀又唐贈北衛伯宋贈上邽侯

先賢石作蜀

家語作石子蜀字子明秦人唐開元二十七年從祀又唐贈石邑伯宋贈成紀侯

先賢公夏首

家語首作守字子乘魯人唐開元二十七年從祀又宋補贈鉅平

侯

先賢后處

字子里家語作石處字里之齊人唐開元二十七年從祀又唐贈營邱伯宋贈膠東侯

先賢奚容蒧

字子皙家語作奚蒧字子偕衛人唐開元二十七年從祀又唐贈下邳伯宋贈濟陽侯

先賢顏祖

家語作顏相字子襄魯人唐開元二十七年從祀又唐贈臨邑伯宋贈富陽侯

先賢句井疆

字子疆衛人唐開元二十七年從祀又唐贈淇陽伯宋贈濬陽侯字子南秦人唐開元二十七年從祀又唐贈少梁伯宋贈鄆城侯

先賢縣成

字子橫史記字子祺魯人唐開元二十七年從祀又唐贈鉅野伯宋贈武城侯

先賢公祖句茲

家語作公祖茲字子之魯人唐開元二十七年從祀又唐贈期思伯宋贈卽墨侯

先賢燕伋

字子思家語名緘石室圖曰秦人一日魯人唐開元二十七年從祀又唐贈漁陽伯宋贈汧源侯

先賢樂欬

字子聲魯人家語作樂欣唐開元二十七年從祀又唐贈昌平伯宋贈建城侯

先賢狄黑

字子皙衛人唐開元二十七年從祀又唐贈臨濟伯宋贈林慮侯

先賢孔忠

字子蔑孔子兄孟皮之子家語作孔弗唐開元二十七年從祀又唐贈汶陽伯宋贈鄆城侯

先賢公西蒧

字子尙史記字子上魯人唐開元二十七年從祀又唐贈祝阿伯宋贈徐城侯

先賢顏之僕

字子叔魯人唐開元二十七年從祀又唐贈東武伯宋贈冤句侯

先賢施之常

字子恒魯人唐開元二十七年從祀又唐贈乘氏伯宋贈臨濮侯

先賢申枨

字子周魯人家語作申績史記作申黨唐開元二十七年從祀又唐贈魯伯宋贈文登侯

先賢左邱明

中都人魯太師唐貞觀二十一年以經師從祀明嘉靖九年稱先儒崇禎十五年改稱先賢又唐贈瑕邱伯改中都侯

先賢秦冉

字子開唐開元二十七年從祀明嘉靖九年罷清雍正二年復祀又唐贈彭衙伯宋贈新息侯

先賢公明儀

武城人清咸豐二年從祀

先賢公都子

孟子門人清雍正二年從祀又宋贈平陰伯

先賢公孫丑

孟子門人清雍正二年從祀又宋贈壽光伯

先賢張載

字子厚宋長安人世稱橫渠先生諡曰明封郿伯淳祐元年從祀改先賢明天啓二年置博士

先賢程頤

字正叔諡曰正世稱伊川先生明道弟封伊陽伯淳祐元年從祀元加洛國公明改先賢景泰六年置博士

按兩廡先賢木主次序南宮縣志光山縣志洛陽縣志與畿輔通志阜平縣志不同畿輔通志阜平縣志與祀孔典禮合故從之

東廡先儒

參續通志阜平縣志南宮縣志及文廟從祀先儒小傳祀孔典禮西廡先儒同

先儒公羊高

子夏弟子齊人傳春秋唐貞觀二十一年從祀

先儒伏勝

字子賤濟南人秦博士傳尚書唐貞觀二十一年從祀清置鄒平博士

先儒毛亨

年無攷受詩於荀卿以授毛萇按史記楚攷烈王二十五年荀卿廢居蘭陵距漢興三十二年太平御覽引毛詩正義云荀卿授漢人魯國毛亨則是秦漢間人清同治二年從祀

先儒孔安國

字子國孔子十一世孫漢武帝時爲博士侍中唐貞觀二十一年從祀

先儒毛萇

楚人受大毛公亨詩爲河間獻王博士世稱小毛公唐貞觀二十一年從祀

先儒杜子春

河南緱氏人漢哀帝時受周官於劉歆唐貞觀二十一年從祀

先儒鄭玄

字康成北海高密人漢獻帝時以大司農徵唐貞觀二十一年從

祀宋封高密伯明嘉靖九年改祀於鄉清雍正二年復祀

先儒諸葛亮

字孔明漢南陽人封武鄉侯諡忠武清雍正二年從祀

先儒王通

字仲淹隋時教授河汾門人私諡曰文中子明嘉靖九年從祀

先儒韓愈

字退之唐南陽人諡文宋封昌黎伯元豐七年從祀

先儒胡瑗

字翼之宋海陵人諡文明嘉靖九年從祀

先儒韓琦

字稚圭宋安陽人清咸豐二年從祀

先儒楊時

字中立宋將樂人諡文靖明宏治八年從祀

先儒謝良佐

字顯道上蔡人清道光二十九年從祀

先儒尹焯

字彥明宋洛人賜號和靖處士清雍正二年從祀

先儒胡安國

字康侯宋崇安人諡文定追封建伯侯明正統二年從祀

先儒李侗

字愿仲宋劍浦人明萬歷四十二年從祀阜平縣志作隆慶六年

從祀

先儒呂祖謙

字伯恭宋萊州人諡成改忠亮封開封伯景定二年從祀

先儒袁燮

字和叔宋鄞縣人諡正獻清同治七年從祀

先儒黃幹

字直卿宋閩縣人諡文肅清雍正二年從祀

先儒輔廣

字漢卿號潛庵宋慶源人

先儒何基

字子恭宋金華人諡文定清雍正二年從祀

先儒文天祥

字宋瑞廬陵人清道光二十三年從祀阜平縣志作道光二十六年從祀

先儒王柏

字會之宋金華人諡文憲清雍正二年從祀

先儒劉因

字夢吉元保定容城人諡文靖

先儒陳澹

字可大都昌人元時註禮清雍正二年從祀

先儒方孝孺

明儒字希直寧海人清同治二年從祀

先儒薛瑄

字德溫山西河津人諡文清隆慶五年從祀

先儒胡居仁

字叔心餘干人諡文敬萬歷十二年從祀

先儒羅欽順

字允升泰和人諡文莊清雍正二年從祀

先儒呂枬

字仲木高陵人清同治二年從祀

先儒劉宗周

字起東山陰人清道光二年從祀

先儒孫奇逢

字啓泰容城人清道光八年從祀

先儒黃宗羲

字太冲明末餘姚人著宋元學案等書

先儒張履祥

字考夫一字念芝桐鄉縣人清同治十年從祀

先儒陸隴其

字稼書清平湖人四川道試監察御史諡清獻雍正二年從祀

先儒張伯行

河南蘭儀縣人清禮部尙書諡清恪光緒四年從祀

先儒湯斌

號潛菴河南睢州人清尙書諡文正道光三年從祀

先儒顏元

字習齋博野人民國八年從祀

西廡先儒

先儒穀梁赤

一名激字元始魯人子夏弟子傳春秋唐貞觀二十一年從祀

先儒高堂生

字伯秦末漢初魯人漢禮經博士唐貞觀二十一年從祀

先儒董仲舒

漢廣川人元至順元年從祀

先儒劉德

漢景帝子封河間獻王清光緒三年從祀

先儒后蒼

字近君東海鄒人校禮曲臺號后曲臺記漢宣帝時爲博士明嘉
靖九年從祀

先儒許慎

字叔重汝南邵陵人漢桓帝時官南閣祭酒清光緒二年從祀

先儒趙岐

字邠鄉漢長陵人著有孟子章句

先儒范甯

字武子鄆陵人晉中書侍郎豫章太守著穀梁集解唐貞觀二十
一年從祀明嘉靖九年改祀於鄉清雍正二年復祀

先儒陸贄

字敬輿唐嘉興人官中書侍郎同平章事諡宣清道光六年從祀

先儒范仲淹

字希文宋吳縣人宋仁宗時參政宣撫使諡文正清康熙五十四
年從祀

先儒歐陽修

字永叔宋廬陵人官參政諡文忠明嘉靖九年從祀

先儒司馬光

字君實宋夏縣涑水鄉人官尙書左僕射諡文正封溫國公配享
哲宗咸淳三年從祀

先儒游酢

字定夫宋建陽人與兄醇同事二程

先儒呂大臨

字與叔宋藍田人光緒乙未入祀

先儒羅從彥

字仲素宋南劍人諡文質學者稱豫章先生明萬歷四十二年從祀阜平縣志作隆慶六年從祀

先儒李綱

字伯紀宋邵武人清咸豐元年從祀

先儒張栻

字敬夫宋綿竹人諡宣景定二年從祀

先儒陸九淵

字子靜宋金谿人諡文安世稱象山先生明嘉靖九年從祀

先儒陳淳

字安卿宋漳州龍谿人清雍正二年從祀

先儒真德秀

字景元後改景希宋浦城人諡文忠世稱西山先生明封蒲城伯

正統二年從祀阜平縣志作正統四年從祀

先儒蔡沈

字仲默宋建陽人諡文正明封崇安伯正統二年從祀

先儒魏了翁

字華父宋浦江人諡文靖清雍正二年從祀

先儒趙復

字仁甫德安人宋末講授太極書院以端平二年至北庭當列元

儒之首清雍正二年從祀

先儒金履祥

字吉父蘭谿人諡文安元大德七年卒年七十二清雍正二年從祀

先儒陸秀夫

字君實宋鹽城人清咸豐八年從祀

先儒許衡

字仲平河內人元集賢學士國子監祭酒諡文正封魏國公皇慶二年從祀

先儒吳澄

字幼清崇仁人諡文正明正統八年從祀嘉靖九年罷清乾隆二一年復祀

先儒許謙

字益之元金華人金仁山弟子世稱白雲先生不仕元清雍正二一年從祀

先儒曹端

字月川明渾池人清咸豐十年從祀

先儒陳獻章

字公甫明新會人萬歷十二年從祀

先儒蔡清

字介夫明晉江人清雍正二年從祀

先儒王守仁

字伯安明餘姚人諡文成萬歷十二年從祀

先儒呂坤

字新吾明寧陵人清道光六年從祀

先儒黃道周

字幼安明漳州鎮海人清道光五年從祀

先儒王夫之

字而農明末衡陽人學者稱船山先生

先儒陸世儀

字道威太倉州人明亡隱居學者稱桴亭先生清光緒二年從祀

先儒顧炎武

字寧人明末崑山人其學以朱爲主

先儒李璵

直隸省蠡縣人民國八年從祀

按兩廡先儒木主從祀次序畿輔通志及各縣志皆不同茲從民國三年祀孔典禮惟顏李二先生係民國八年從祀故祀孔典禮未載

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

按明嘉靖九年大成殿後立啓聖祠祀叔梁公清雍正元年詔封孔子先世王爵

合祀五代更名啓聖祠爲崇聖祠

畿輔通志

東配

參畿輔通志及各縣志并文廟從祀先賢考略西配同

先賢孔氏孟皮 字伯尼孔子兄清咸豐七年配享

先賢顏氏 名無繇字路顏淵父唐贈杞伯開元二十七年從祀兩廡宋改曲

阜侯元加杞國公諡文裕明嘉靖九年配享

先賢孔氏 名鯉字伯魚子思父宋淳甯中加泗水侯咸淳二年祀兩廡明嘉

靖九年配享

西配

先賢曾氏 名點字子皙曾子父唐贈宿伯從祀兩廡宋改萊蕪伯明嘉靖九

年配享

先賢孟孫氏 名激字宜公孟子父元延祐三年封邾國公明嘉靖九年配享

東廡先儒

參幾輔通志及各縣志并文廟從祀先儒小傳西廡同

先儒周氏 名輔成宋周濂溪父明萬歷二十三年從祀

先儒程氏 名珦字伯溫宋二程子父明嘉靖九年從祀

先儒蔡氏 名元定字季通宋蔡仲默父諡文節明嘉靖九年從祀

西廡先儒

先儒張氏 名迪宋張橫渠父清雍正二年從祀

先儒朱氏 名松字喬年宋朱元晦父明嘉靖九年從祀

右木主

按孟子尸子皆輕人爵而重天爵世情反是故朱子有人要爲貴人不爲好人之歎吾觀人聚談一室語及某將某相則色飛眉舞語及某聖某賢則貌合神離人心傾向如是世界可知矣今上自春秋下迄有清舉先聖先賢悉會萃一編緬羣哲之芳躅發思古之幽情覽斯篇者倘亦有聞風興起者乎

前祀一日昧爽執事官潔蠲殿內外藉以櫻薦拂拭神座張大次於大成門外之左殿上

正位籩豆案一其前俎一又前香案一皆南嚮

東配二龕西嚮

西配二龕東嚮籩豆案俎香案各二東序一龕西嚮西序一龕東嚮籩豆各六統設俎香案東西各一殿中少西祝案一南嚮東尊桌一接桌一福胙桌一西尊桌一接桌一均北嚮

正位神龕東旁饌桌一南嚮

四配神龕北旁饌桌各一東西

哲位神龕北旁饌桌各一均東西嚮東廡

先賢四十位

先儒三十八位籩豆案三十有九每案二位統設俎香案各二先賢先儒各一均西嚮西廡

先賢三十九位

先儒三十七位籩豆案三十有九每案二位惟第二十案先賢一位統設俎香案各二

先賢先儒各一均東嚮廡內兩旁各設饌桌一南北嚮門內之南各設尊桌一北嚮

崇聖祠正中五龕均南嚮籩豆案五香案五統設俎一東配一龕西嚮籩豆案二

香案三西配一龕東嚮籩豆案二香案二俎統設東西各一

正位案旁東饌桌三西饌桌二

配位饌桌東西各一殿內少西祝案一南嚮東尊桌一接桌一西尊桌一接桌一

東廡

先儒三位西嚮籩豆案二西廡

先儒二位東嚮籩豆案一俎統設東西各一香案一饌桌尊桌亦東西廡各一凡

桌案均施紅緞桌衣是日午後執事官大禮服敬書祝版用白紙墨書版長一尺二寸廣八寸將

事之夕夜半執事官各率其屬入具器陳

正位籩豆案上爵墊一其前登一實以太羹鉶二實以和羹簋二實以稻粱簋二實以黍稷籩十有二實以

形鹽菜魚棗栗棊菱芡鹿脯白餅黑餅饌餌粉盞豆十有二實以韭菹醢醢菁菹鹿脯芹菹兔俎實牛一

羊一豕一香案上設鑪一焚以降香燭臺二然以絳燭

四配位每案爵墊一其前鏹二簋二籩二簋八去白餅黑餅豆八去脾析豚拍俎

實羊一豕一香案上設鑪一燭臺二

十二哲位每案爵墊一爵三實以酒鏹一簋一實以黍籩一實以稷籩四實以栗鹿脯豆四

實以菁菹醢醢鐙二俎實羊一豕一香案上設爵墊一鑪一燭臺二帛九正位二

六哲位尊四正位一配位二爵十有二設東尊桌接桌上帛八配位六尊三配位二

爵九設西尊桌接桌上壺一實福酒并爵一盤一實胙肉均設東福胙桌上凡

帛皆色白

正位

四配異籩

十二哲東西共籩凡尊實酒承以舟疏布器勺具東廡每位爵一實酒每案簋一籩

一籩四豆四

先賢案前統設俎實羊一豕一香案上設鑪一燭臺二

先儒案前統設俎實羊一豕一香案上設鑪一燭臺二尊桌上設帛二尊二先賢

各一虛爵六篚器勺皆具西廡陳設同

崇聖祠

正位每案爵墊一其前鏹二簋二籩十去糗餌粉黍豆十去醢食糝食香案上設鑪一燭

臺二又前統設一俎實牛一羊一豕一

配位每案爵墊一其前簋一籩一籩四豆四香案上設鑪一燭臺二又前東西各

統設一俎實羊一豕一東尊桌接桌上設帛六尊六正位各三爵十有八西尊桌

接桌上設帛四尊四正位各二爵十有二兩廡每位爵一實酒每案陳設簋籩豆

如

配位之數東西統設俎各實羊一豕一俎前香案上各設鑪一燭臺二尊桌上各

設帛一尊一虛爵三篚器勺皆具凡登鏹簋籩皆用銅籩用竹豆用木篚用竹

俎用木爵

正位三爵用玉餘皆用銅設洗於大次之外司樂設樂懸於殿外兩階罇鐘一編鐘

十有六在東特磬一編磬十有六在西皆懸以虞業東應鼓一柷一麾一西敵一東西分列琴六瑟四簫六篴四排簫二塤二笙六搏拊二旌四節四千戚羽籥各六十有四又設洗於

崇聖祠階下之東如式

右禮器

按太史公自謂適魯觀仲尼廟堂車服禮器諸生以時習禮其家低回留之不能去今中國千數百縣求所謂仲尼廟中禮器率多殘缺不完春秋二仲致祭亦視等具文不獨吾威然也嗚呼安所得如太史公其人者與之談禮而同深高山仰止之慕哉

又按泰西人道主義有廣狹兩義狹義單指人類廣義并人類外動植等物亦包

含之

略近汎心論

吾觀德國泡爾生氏人道主義不外一仁字說乃知所謂人道主義

正吾孔子之道呂氏春秋不二篇所謂孔子貴仁是也乃孔子以仁詔後世後世尊孔子者反殺無數生靈以致祭獨不聞潢汚行潦之水蘋蘩藟藻之菜可薦鬼

廢 鼎 志
神乎然苟持是說進輒沾沾焉羣執梁武帝事目笑之嗚呼綱常名教之大舉孔子所留遺者悍然不憚極力摧殘之獨至漢高祀以太牢故事堅持頑閉而不可驟更抑果何說哉

祝辭曰維某年月日某官某致祀於

至聖先師孔子曰維

先師德參化育道貫古今集羣聖之大成炳前知以垂憲天下爲公中國一人之量生民未有六經千載之心循宮牆而瞻美富入室升堂隆俎豆而奉馨香先明後法茲當上丁祇率彝章肅展微忱聿將祀典以

復聖顏子

宗聖曾子

述聖孔子

亞聖孟子配嗚呼聲名所屆血氣莫不尊親光景常新禮樂明其禮祀尙饗

右大成殿祝辭

迎

神樂奏昭和之章辭曰大哉

孔子先覺先知與天地參萬世之師祥徵麟紱韻答金絲日月既揭乾坤清夷初獻
樂奏離和之章辭曰永懷

明德玉振金聲生民未有展也大成俎豆千古春秋上丁清酒既載其香始升舞干
戚之舞亞獻樂奏熙和之章辭曰式禮莫愆升堂再獻響協鼗鏞誠孚罍獻肅
肅雍雍譽髦斯彥禮陶樂淑相觀而善舞羽籥之舞終獻樂奏淵和之章辭曰
自古在昔先民有作皮弁祭菜於論思樂惟

天牖民惟

聖時若彝倫攸叙至今木鐸舞如亞獻徹饌樂奏昌和之章辭曰

先師有言祭則受福四海贊宮疇敢不肅禮成告徹母疏母瀆樂所自生中原有菽
送

神樂奏德和之章辭曰皞繹峨峨洙泗洋洋景行行止流澤無疆聿昭祀事祀事孔
明以化蒸民以育膠庠

右樂章樂舞

崇聖祠

祝辭曰維某年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公曰維

王垂裕後昆光開聖緒爲層冰之積水作大輅之椎輪既祖功而宗德必有達人亦

木本而水源不忘數典茲屆上丁聿修祀事配以

先賢孔氏

先賢顏氏

先賢曾氏

先賢孔氏

先賢孟孫氏尙

饗

右崇聖祠祝辭

凡道尹縣知事每歲夏時春秋兩丁日各於其所駐地方主

孔子廟之祀有故則各以其屬代分獻以屬官或公立學校校長在城文武委任以上亦咸與祭書祝版既割戒具陳設省齋各以其屬官爲之糾儀則道尹以縣知事縣知事以掾屬

崇聖祠正獻以屬官分獻以學校教員或地方員紳陳設器數行禮儀節並同巡按使祭

孔子儀其與巡按使同城道尹及與道尹同城之縣知事不另致祭

右祭儀

按祀孔典禮文廟改稱孔子廟

又按會典文廟為中祀光緒戊申三十四年禮部奏准先師升為大祀民國同

又按孔子廟祭儀民國三年行跪拜四拜禮五年改三鞠躬禮八年仍照三年所

定行跪拜四拜禮十四年又改行鞠躬禮

關岳廟 參關岳合祀典禮

殿內正位南嚮

左奉

關壯穆侯

右奉

岳忠武王

按民國三年十一月二十日大總統申令有云關壯繆翊贊昭烈岳武穆獨炳精忠英風亮節同炳寰區實足代表吾民族英武壯烈之精神謹擬以關岳合祀云

云又四年五月政事堂禮制館呈有云謹案京師漢壽亭侯廟建於隋代其前雖無可攷而自隋迄今一千三百餘年祀事修明至明清而益盛自京師以逮各行省廟貌巍峨典禮之隆擬之闕里岳廟始建於鄂在宋孝宗乾道五年距其歿也未及三十載歷致褒崇從祀歷代帝王廟其廟之在於河南浙江江蘇湖北等處者並由地方官吏春秋致祭論勳業則山河並壽同期恢復中原論行誼則忠孝兼全不僅頡頏國士後先一揆足立懦而廉頑稱道至今直家尸而戶祝云云觀此則關岳合祀之原因可以瞭然矣

又按關岳合祀典禮說明書云唐上元元年追封太公爲武成王廟以比於孔子爲文宣王廟當時已譏爲不倫宋元以來相沿未改明太祖毅然罷之謂三代以前文武兼備用無不宜如太公之鷹揚而授丹書仲山甫之賦政而式古訓召虎之經營而陳文德豈比於後世止論韜略不事經書專習干戈不聞俎豆拘拘於一藝偏長哉其言至爲精確陸海軍部原呈擬以關岳合祀作爲武廟竊謂關岳本非全是武人關壯穆長而好學讀左傳略皆上口

見吳志呂蒙傳

岳忠武家貧力學尤

好左氏春秋孫吳兵法

見宋史本傳

二公當時並有國士之目

皆見本傳

今第名之曰武廟

殊未足以盡其爲人况孔子廟已不名爲文廟則關岳合祀自應直稱關岳廟乃爲得當觀此則又可知定名所由來矣

又按清會典關廟爲中祀關岳合祀典禮未指明何祀

左序東位西嚮

參關岳合祀典禮及正史

張飛

字益德蜀漢涿郡人事先主嘗以二十騎據水斷橋拒曹操敵無敢近者

先主定江南以爲宜都太守征虜將軍封新亭侯先主入益州益德與諸

葛亮分定郡縣所過戰克益州平領巴西太守後拜右將軍假節章武元

年遷車騎將軍領司隸校尉進封西鄉侯追諡桓侯事載三國志本傳

王濟

字士治晉弘農湖人參征南軍事轉廣漢太守有吏政後累進至平東將

軍假節都督益梁諸軍事卒平吳拜輔國大將軍封襄陽縣侯卒諡武事

載晉書本傳

韓擒虎

字子通河南東垣人開皇初高祖以擒虎有文武才拜廬州總管委以平

陳之任以五百人宵濟襲采石遂直入朱雀門執陳主叔寶金陵平進位上柱國別封壽光縣公食邑千戶以行軍總管屯金城禦備胡寇旋拜涼州總管事載隋書本傳

李靖

本名藥師雍州三原人少有文武才略其舅韓擒虎號爲名將事唐高祖屢立功貞觀中突厥諸部離叛以靖爲代州道行軍總管遂破突利可汗以功進封代國公旋破頡利未幾吐谷渾寇邊卽以靖爲西海道行軍大總管大破之十七年詔圖畫靖等二十四人於凌煙閣進衛國公卒諡景武事載唐書本傳

蘇定方

翼州武邑人唐高宗時嘗征賀魯滅之列其地爲州縣極於西海以功遷左饒衛大將軍封邢國公復討都曼等破之葱嶺以西皆定以功食邢州鉅鹿眞邑五百戶後率師討百濟降其衆平分其地爲六州卒贈幽州都督諡曰莊事載唐書本傳

郭子儀

華州鄭縣人安祿山反子儀屢破賊卒恢復唐室復威服迴紇擊破吐蕃

朝廷以有社稷之功恩眷隆重封汾陽郡王旋賜號尚父進位太尉中書令增實封通計二千戶卒贈太師諡忠武事載唐書本傳

曹彬

字國華真定靈壽人宋太祖時嘗平蜀亂旋伐江南城垂克彬忽稱疾不視事諸將皆問彬曰余疾非藥石所愈惟須諸公誠心自誓以克城之日不妄殺一人則自愈矣江南平拜樞密使檢校太尉忠武軍節度使後加同平章事卒贈中書令追封濟陽郡王諡武惠事載宋史本傳

韓世忠

字良臣延安人風骨偉岸爲勇絕人嘗擒浙江賊方臘屢立戰功會金人與劉豫合兵入侵世忠大破之論者謂此舉中興武功第一秦檜主和議世忠疏言檜誤國遂上表乞骸骨杜門謝客絕口不言兵卒拜太師孝宗朝追封蘄王諡忠武事載宋史本傳

旭烈兀

元太祖第四子拖雷之子也出師征討所至克捷遂自天山北麓西至柯提招致西域諸國王併領其軍乃建國於海拉脫事附元史郭侃傳中

徐達

字天德濠人少有大志佐明太祖滅元爲開國功臣卒追封中山王諡武

寧史稱達在軍令出不二諸將奉持凜凜善拊循與下同甘苦士無不感恩効死以故所向克捷事載明史本傳

馮勝

定遠人讀書通兵法從明太祖屢立戰功復破擴廓帖木兒封宋國公後以失帝意賜死事載明史本傳

戚繼光

字元敬倜儻負奇氣好讀書尤善治兵時倭寇屢內侵繼光連破之復備北寇邊塞肅然史稱繼光更歷南北並著聲績在南戰功特盛北則專主守云云事載明史本傳

右序西位東嚮

趙雲

字子龍蜀漢常山真定人從先主爲主騎當陽長阪之役先主棄妻子走子龍身抱弱子即後主保護甘夫人皆得免難遷牙門將軍成都既定爲翊

軍將軍建興元年爲中護軍征南將軍封永昌亭侯遷鎮東將軍卒追諡順平侯事載三國志本傳

謝玄

字幻度爲叔父安所器重朝廷求文武良將可以鎮禦北方者安乃以玄

應舉拜建武將軍兗州刺史領廣陵相監江北諸軍事及禦苻堅詔以爲前鋒都督徐兗青三州揚州之晉陵幽州之燕國諸軍事卒敗苻堅立大功旋以勳封康樂縣公卒諡獻武事載晉書本傳

賀若弼

字輔伯河陽雒陽人隋高祖有并江南之志訪可任者高頴曰朝臣之內文武才幹無若賀若弼者拜吳州總管委以平陳之任及陳平加位上柱國進爵宋國公食邑三千戶事載隋書本傳

尉遲敬德朔州善陽人以武勇稱事太宗屢有功貞觀元年拜右武侯大將軍賜爵吳國公食封三千戶會突厥入寇授涇州道行軍總管以擊破之改封鄂國公圖形凌煙閣卒諡忠武事載唐書本傳

李光弼

營州柳城人嚴毅有大略唐玄宗眷求良將委以河北河東事子儀薦光弼連戰破賊將史思明等封魏國公改封鄭國公進封臨淮王圖形凌煙閣卒贈太保諡武穆事載唐書本傳

王彥章

字子明鄆州壽昌人少事梁太祖饒勇有力能跣足履棘行百步嘗持一

鐵槍騎而馳突奮疾如飛軍中號爲王鐵槍時梁晉爭天下爲勁敵獨彥章心輕晉王屢破晉兵末帝昏懦信讒彥章志不得申兵敗被擒不屈死
事載五代史本傳

狄青

字漢臣汾州西河人每臨敵被髮帶銅面具出入賊中莫敢當范仲淹以左氏春秋授之曰將不知古今匹夫勇耳青遂折節讀書悉通兵法皇祐中廣源州蠻儂智高反青討平之以功拜樞密使卒諡武襄事載宋史本傳

劉錡

字信叔德順軍人慷慨深毅有儒將風順昌之役以五千人破金兵數十萬捷聞授武泰軍節度使卒贈開府儀同三司諡武穆事載宋史本傳

郭侃

字仲和從旭烈兀征西域屢立戰功事載元史本傳

常遇春

字伯仁懷遠人沈鷲果敢善撫士卒摧鋒陷陣未嘗敗北雖不習書史用兵常與古合卒追封開平王諡忠武事載明史本傳

藍玉

定遠人臨敵勇敢所向皆捷帝嘗比之衛青李靖以功進涼國公後以事

風 集 二
誅事載明史本傳

周遇吉 錦州衛人少有勇力每戰輒先登屢破賊以功加太子少保左都督會山西總兵許定國有罪論死以遇吉代之時李自成陷全陝遂犯山西遇吉禦之退保寧武城陷被執大罵不屈死福王時贈太保諡忠武事載明史本傳

右木主

按民國丙辰五年右序從祭郭侃藍玉撤銷

又按關岳合祀典禮說明書云關壯穆生於漢末與太公時代先後不同故武成廟從祀可自周始而關岳廟從祀則當斷自蜀漢以後且宋以七十二將從祀武成以比文宣七十二賢擬議多未得當亞聖十哲之目出於唐相盧杞等懷私崇飾尤不可訓今擬關岳從祀不設定額必取其人與關岳相伯仲者寧失諸嚴毋失諸濫謹設四例以爲進退一忠武可風二史傳有徵三通於流俗四身為將帥觀此則知從祀所由來矣

前祭一日齋戒是日昧爽執事官潔蠲

殿內外藉以櫻薦拂拭

神座張幄次於廟門內階下之左南嚮

殿上

正位籩豆案二其前香案二又前統設俎一皆南嚮東序一龕西嚮西序一龕東嚮
籩豆案各四統設俎香案東西各一

殿中少東祝案一北嚮東尊桌一接桌一西尊桌一接桌一禩桌一均北嚮

正位神龕旁饌桌東西各一南嚮東序

從祀位十二籩豆案三

每案四位

統設俎香案各一均西嚮西序從祀位十二籩豆案

三

每案四位

統設俎香案各一均東嚮兩旁各設饌桌一東西嚮凡桌案均施紅緞桌

衣立瘞坎於

神位西北執事官大禮服敬書祝版

用白紙墨書

潔室安奉將事之夕夜半執事官率屬

入具器陳

正位籩豆案上各爵墊一其前各登一

實以太羹 實以和羹

籩二簋二實以稻梁簋二實以黍稷籩十實

形鹽黍魚棗栗棗棗菱
芡鹿脯白餅黑餅

豆十

實以韭菹醢醢菁菹鹿脯芹
菹兔醢笱菹魚醢脾析豚拍

統設俎實牛一羊一豕一

香案上設鑪一燭臺二

兩序

從祀位每案爵墊一爵三

實以酒

鉶一

實以和羹

簠一

實以黍

簋一

實以稷

籩四

實以棗栗

豆

形鹽鹿脯

四實以菁菹鹿醢芹菹兔醢

鏡二

東西

統設俎各實

羊一豕一

香案上各設爵墊一

鑪一

燭

臺二

尊二

爵二

正位東序

爵六

正位東序

一爵六正位西序設西尊桌接桌上

色設洗於幄次之外司樂設樂懸於殿外階上

特磬一編鐘十有六編磬十有六琴六瑟四簫四篴四排

如儀

右禮器

祝辭曰惟某年月日某地方某官敬祭於

關壯穆侯

岳忠武王曰惟

神武功彪炳偉烈昭垂建大節於千秋振英風於六合忠誠正直麗河嶽而長留智
仁勇功與日星而並耀潔馨香而合祀德量同符肅俎豆以明禋心源如接惟祈
歆享克鑒精誠尙

饗

右祝辭

迎

神樂奏建和之章辭曰懿鑠兮神功震華夏兮英風義勇兮河東惟湯陰兮與同修
祀典兮方州佇降歆兮闕宮奠帛初獻樂奏安和之章辭曰神來兮格思風馬
下兮靈旗量幣兮初陳薦芳馨兮玉卮瞻仰兮明威儼如在兮軒墀舞干戚之
舞亞獻樂奏靖和之章辭曰萬舞兮洋洋禮再舉兮陳觴靈昭昭兮既留庶鑑

誠兮降康舞同初獻終獻樂奏康和之章辭曰名世兮鍾靈炳河嶽兮日星祀
事兮三成肅駿奔兮廟庭舞同亞獻徹饌樂奏蹈和之章辭曰告徹兮禮成神
其受兮苾芬明德兮惟馨播聲威兮八紘送

神樂奏揚和之章辭曰雲駕兮高翔神將歸兮九閭受福兮蒸民導我武兮惟揚

右樂章舞

各地方

關岳廟皆以歲春秋分節氣後第一戊日由駐在該地方各文武推官職較高者一
人親詣敬祭官職較次者二人東西序分獻糾儀以軍官警官各一人執事人
各以其屬及地方官紳學校教員學生之嫻禮儀者選充在該地方各軍官警
官及兼有軍警職各文官一體與祭其餘同城文官均不另祭

右祭儀

按日本靖國神社祭日學校放假天皇躬親致祭當是時國旗飄揚軍樂競作羣
技雜奏百鷗駢闐都人士前後遊覽者如海莫不瞻拜歎歎一若彼國古昔忠烈

實式憑者此誠無形之教育而誘導天良之絕好機會也今關岳合祀典禮非不
隆重廟貌非不巍峨乃春秋戊日除有司奉行故事外國人漠不關懷豈崇拜聖
賢豪傑之心不若日人哉母亦倡導不力至此此真呂叔簡所謂實事當虛套作
者矣

名宦祠

于成龍

熊伯龍

李光地

王登聯

朱昌祚

田郁

以下事績已詳宦績志

王閏

閻縉

許慶

姜文魁

錢朮

高自卑

張幼安

陳璣

李達

施大經

按唐虞建官維百馴至前清額設大小官吏多至二萬七千求所謂名臣循吏百不一二覲何哉一則精神在上而不在下祇循長官之喜怒不顧小民之苦樂

袁枚

謂朝廷設州縣豈果爲督撫作奴耶抑爲民作爹耶可謂痛切

一則百姓知威而不知惠俗吏胸中總不脫去一

官字

官吏在法上有兩說一契約說如盧梭以官吏爲國民所備之工人是也一政權作用說如紐約州監視員一職不肯就任罰過失金五十元是也兩

說皆不見官吏有可貴處氣餒所至不惜蹂躪人權此所以設官多而好官少也苟能去此兩

弊功在一時芳流百代矣如名宦祠諸人豈不彰彰在人耳目哉

鄉賢祠

事績另詳人物志

李若水

劉肅

劉庚

李九思

張翥

郭珣

傅海

王溶

石永

董威

高聰

郭銓

王育英

張鑾

賈民

賈待問

王建極

劉調贊

按習常則感易地近則情親吾聞歐人有久居中華歸而以屈原投江事告國人者國人皆不解所謂及以彼教徒殉教事喻之則感歎欷歔而不自勝矣是知異國之賢人君子其感人不如本國之親切也然則古所謂鄉先生沒而可祭於社者豈偶然哉

忠義孝悌祠

按呂叔簡謂無所爲而爲五字是聖賢根源如忠義孝悌諸庸行其明徵也被真

誠篤厚祇盡其分之所當爲而求其心之所能安蓋不如是卽不足爲人何嘗有迫之使然者哉乃醉心歐風者反極力誹詆甚或明目張膽悍然倡獸性強國之妄說抑何病風喪心甘自棄其國粹而不之顧哉

節孝祠

節婦楊作肅之妻尙氏

節婦徐三戒之妻郝氏

節婦鄭挺生之妻孫氏

節婦翁咸臨之妻謝氏

節婦王統增之妻高氏

清故烈女

史氏

節婦翁自隆之妻趙氏

按吾國婦女道德貞靜純一爲五洲冠德國大哲學家叔本華嘗歆慕讚歎而已謂歐美女德不如東方自由平等過甚以致離婚再醮不一而足乃吾國時髦

侈談歐化反甘自棄所長而學彼所短吾不知自命教育家者果何所見而必出於此也

又按節孝祠在西門內路北民元以後久廢不祭土民佔據其中若爲固有茅柴黑漆污穢不堪祠中木主僅存其七餘盡焚毀不可究詰矣邑紳尙希顙呈請蔡知事飭警嚴禁以勵風化卒歸無效十四年春紳任尙乃誠又投匭建議恢復該祠原狀崔知事立飭土民移出卜日致祭祀以少牢一時貞魂節魄實式臨焉蓋十餘年來未有之盛舉也

昭忠祠

宋侍郎忠愍公李若水 清故陣亡從九品劉朋昭

清故陣亡

王萬青
韓永林

清故陣亡武生劉維城

清故陣亡從九品秦士利 民國陣亡西區區官翁壽棠

民國陣亡南區區官楊藻春

南區巡士 翟金玉 趙永元 王成發 翁其傑 于得河 馬尙信

郭宗傑

按孔曰成仁孟曰取義向謂此等氣節惟士君子始優爲之後讀太史公報任安書謂匹夫慕義何處不勉英國加里崇拜英雄論謂苟示以門徑人人皆可一躍而爲英雄如吾威昭忠祠大節凜然如忠愍公輩無論矣雖下至巡士亦皆犧牲其身以捍衛地方乃始恍然忠義出自性生古人之言不我欺也

又按清禮部則例凡直省府州縣文廟左右建忠義孝悌祠以祀本地忠臣義士孝子悌弟順孫建節孝祠以祀節孝婦女名宦祠以祀仕於其土有功德者鄉賢祠以祀本地德行著聞之土地方官歲以春秋致祭據此則政治而教育在其中矣

文昌閣

今地改爲高等小學校

按文昌閣每歲二月初三日及春秋仲月擇日致祭舊爲羣祀清咸豐六年升入

中祀

畿輔通志

魁星樓

按阜平縣志謂魁星或又曰奎據天官書斗魁戴筐六星爲文昌有司命司祿之名則魁是也星家言奎爲天之武庫又曰奎爲封豕主溝瀆無以爲文星者惟春秋元命苞言史皇觀奎星團曲之形而制文字故曰奎主文明其說不一此與文昌或據周官及史記天官書以爲天神或如世傳道家言以爲帝君皆無定說要之邑人祀文昌魁星大旨在主文明則一也

社稷壇

按禮部則例凡直省府州縣各擇爽塏之地建壇均北向歲以春秋仲月上戊日爲民祈報府州縣皆正印官將事以各學教官糾儀生員充禮生又會典社稷壇爲大祀

畿輔通志及南宮縣志

神祇壇

按唐宋風雷雨皆別壇分祭不及雲明洪武二年詔風雲雷雨合爲一壇六年又合山川於壇八年又以城隍合祭嘉靖時始郡縣皆爲壇於南郊北面蒞事其壇

視社稷

阜平縣志

又會典神祇壇爲中祀

畿輔通志

先農壇

按先農之祀古無頒行郡國者晉建武元年詔令郡縣祀社稷先農而不言壇於何所蓋不壇也清世宗憲皇帝勤民務本始令郡縣舉行籍田禮敬事先農其壇

視社稷

阜平縣志

又會典先農壇爲中祀

畿輔通志

厲壇

按厲壇每歲清明日七月望日十月朔日祭無祀鬼神於本城之北郊府州稱郡

厲縣稱邑厲祭時祭告城隍之神云云又會典厲壇爲羣祀

畿輔通志

龍王廟

火神廟

八蜡廟

劉猛將軍廟

馬神廟

按民國以來僅孔子廟及關岳廟致祭餘祀皆暫停

又按祀孔典禮呈有云用示崇祀之典純出人民信仰之誠與宗教絕不相涉關岳合祀典禮呈有云廟宜標姓並躋孔氏之尊稱位宜題諡不襲道家之謬號可知崇祀孔子關岳皆以道德堪師表人倫爲標的其他諸祀亦不外崇德報功要旨納神道於人道不求諸冥而求諸顯不求諸遠而求諸近總之始終不出倫理範圍者近是以視希臘所祀之神表示優美羅馬所祀之神表示實際印度婆羅門所祀之神表示清淨皆有不同處準此以推雖以倫理性爲吾國民性可也